

Fragmentum hujus epistolae extat in Schuppii opp. T. I, p. 359. Autorem ejus esse Danielem Crusium, S. I. putat Piascius in Chronico gestorum singularium in Europa, ad A. 1638. p. 501. Alii tamen Philippum Lackium, Ex-Secretarium Gedanensem, autorem faciunt. Opposuit huic Aurimontani epistolae epistolam responsum Joan. Ernest. Schroeerus, quae vanitatem ipsius ob oculos ponit, excusam Alithopoli A. 1638, 4. A cujus latere etiam stetit Christophorus Riccius, Syndicus Gedanensis, qui sub nomine Constantis Siceri editit Spongiam in Elisei Aurimontani epistolam, contra Dantiscanos nuper editam A. 1638, 4. Nec tacere voluit Justus Patricius, seu, ut vero eum appellem nomine, Michael Borckius, Secretarius Gedanensis, qui editit Brevem Responcionem ad Elisei Aurimontani in Dantiscanos epistolam A. 1638, 4. Τ' περασπίστιν Eliseus noster habuit Joan. Anton. Carniolum, qui vulgavit Eli- seum Aurimontanum defensum A. 1639, 4. Legatur omni M. Sam. Joach. Hoppii Schediasma de Scriptoribus historiae Polonicae p. 113, quod eruditis, B. Grodeckii, & historiae patriae diligentis Investigatoris, Dn. Valentini Schlieffii, Patricii Gedanensis, Patroni mei Generosissimi, supplementis auctum, praefixum est Joan. Dlugoffi seu Longini historiae Polonicae, editae Lips. 1711, F.

III.

ERNESTVS BARTHOLDI.

Hujus extat oratio, de Laudibus Borussiae, quiae produxit Dantisci A. 1653, 4. Quoniam vero Gedanum, quantum memini, plures, ejusdem nominis, quondam fovit viros